

ISMET ŠUŠKIĆ - TUŽILAC TUŽILAŠTVA BiH

Ismet Šuškić rođen je 1954. godine u Šipovu, Bosna i Hercegovina, gdje je završio osnovnu školu, a gimnaziju u Jajcu. Diplomirao je na Pravnom fakultetu Univerziteta u Sarajevu 1979. godine, a pravosudni ispit položio 1993. godine. Na istom fakultetu završio je postdiplomski studij na katedri za državno i međunarodno javno pravo 1989. godine. Završio je doktorski studij – krivični smjer na Pravnom fakultetu Sveučilišta u Mostaru, te je u toku izrada doktorske disertacije.

Radno iskustvo stekao u ZOIL „Sarajevo“ PJ „Prijedor“ na poslovima zastupanja pred sudovima, u ŽTO „Sarajevo“ - OPŽ „Zenica“, šef službe za pravne, kadrovske i opšte poslove i u Izvršnom vijeću SR BiH-Republičkom zavodu za javnu upravu, stručni saradnik u najsloženijim normativno-pravnim, studijsko-analitičkim i stručno-operativnim poslovima i zadacima.

U tužilačkoj organizaciji radi od 1995. godine na mjestu zamjenika opštinskog tužioca II Sarajevo, na mjestu kantonalnog tužioca Sarajevo, sve do 15.02.2005. godine, kada je imenovan za tužioca Tužilaštva BiH i raspoređen u Posebni odjel za organizirani kriminal, privredni kriminal i korupciju.

Eduikator je Centra za edukaciju sudija i tužilaca F BiH i do sada je održao više edukativnih seminara za tužioce, sudije, saradnike i istražitelje policije i drugih agencija za provođenje zakona iz oblasti organiziranog kriminala, privrednog kriminala i korupcije (pranje novca, porezne i carinske prevare, finansijske istrage, krijumčarenje robe i osoba i dr). Sudjelovao je na više domaćih i međunarodnih konferencija i seminara iz oblasti organiziranog kriminala i korupcije. 2005. godine i član je državne delegacije u okviru „MONEYVAL“ tima SIPA-e-FOO u Strazburu kada se razmatra Izvještaj BiH o organiziranom kriminalu, pranju novca i finansiranju terorizma, budući da je zamjenik predsjednika Radne grupe institucija BiH za sprečavanje pranja novca i finansiranja terorističkih aktivnosti.

Bio je član Radne grupe za izradu državne Strategije o organiziranom kriminalu i korupciji, član Radne grupe za izradu državnog Zakona o antikorupcionom djelovanju. Autor je modula 6. iz krivične oblasti na temu „Materijalni i procesni aspekti procesuiranja krivičnih djela u oblasti carina i poreza“ u okviru „CARDS“ projekta, član je Udruženja tužilaca BiH od 2005. godine.

Od 01.07.2013. godine rukovodi Odsjekom za privredni kriminal u Posebnom odjelu za organizirani kriminal, privredni kriminal i korupciju Tužilaštva BiH (POOK), a od aprila mjeseca 2017. godine je i zamjenik rukovodioca Posebnog odjela za organizirani kriminal, privredni kriminal i korupciju.